

**Peqqinnissaqarfiup iluani napparsimasut naammagittaalliuuteqarsinnaaner  
taarsiiffigineqarsinnaanerallu pillugit  
Inatsisartut inatsisaat  
*Peqqissutsimut Naalakkersuisoq***

**pillugu**

**Ilaqutariinnermut Peqqissutsimullu Ataatsimiititaliap**

**siunnersuutip aappassaaneerseqarnissaanut**

**ISUMALIUUTISSIISUTAA**

Ataatsimiititaliap suliarinninnermini uku ilaasortarai:

Inatsisartunut ilaasortaq Mala Høy Kúko, Siumut, siulittaasoq  
Inatsisartunut ilaasortaq Anna Wangenheim, Demokraatit, siulittaasup tullia  
Inatsisartunut ilaasortaq Doris J. Jensen, Siumut  
Inatsisartunut ilaasortaq Dines Mikaelson, Siumut  
Inatsisartunut ilaasortaq Mikivsuk Thomassen, Inuit Ataqtigiit  
Inatsisartunut ilaasortaq Edvard Nielsen Aronsen, Inuit Ataqtigiit  
Inatsisartunut ilaasortaq Hans Enoksen, Naleraq

UPA2024-mi 5. april siullermeerinninnerup kingorna ammalu UKA2024-mi siunnersuut  
ataatsimiititaliap misissorpaa.

**1. Siunnersuutip imarisaa siunertaalu**

Siunnersuummi matumani naammagittaalliorsinnaanermut aamma  
taarsiivigineqarsinnaanermut aqqissuussineq nutaaq ataatsimoortorlu atulersinneqassaaq,  
taamaaliornikkut peqqinnissaqarfimmi napparsimasut pitsaanerusemik  
sunniuteqarluarnerusemillu naammagittaalliorsinnaanissaat taarsiivigineqarsinnaanissaallu  
qulakkeerseqarnissaa kissaatigineqarpoq.

Ataatsimut isigalugu peqqinnissaqarfiup peqqinnissaqarfimmi peqqissaanermik suliaqarneq  
pillugu, peqqinnissaqarfimmi peqqinnissamut tunngasutigut sulinnermut, peqqinnissaqarfimmi  
suliarinninnivik pillugu naammagittaalliuutigineqalersinnaassapput (sullinneqarnermut  
maalaarutit).

Nunatsinni Nakorsaaneqarfiup ataani naammagittaalliortarnermut allattoqarfimmik pilersitsisoqassaaq, taamaalilluni innuttaasut naammagittaalliornissaminni sumiiffik ataasiinnaq saaffigisinnaalissavaat. Naammagittaalliuutip suliarineqarnerani suliap pitsaasumik ingerlanneqarnissaa oqaloqatigiittarnissarlu qitiutinneqassapput. Peqqinnissaqarfiup iluani suliani naammagittaalliuutinut taarsiivigineqarnissamillu piumasaaqatitut tunngasuni suliaqarnermi inatsisitigut isumannaatsuutitsineq innuttaasunut pingaarutilimmik pitsanngoriaateqassasoq Naalakkersuisut naliliipput.

Inatsit siullermik UKA2021-imi saqqummiunneqarpoq tunuartinneqarlunili. Taamanerniilli allannguutit pingaarnerit pingaarnertut ukununga tunngapput: § 4, Nunatsinni Nakorsaaneqarfiup suliap Napparsimasut Maalaarutaannik Aalajangiisartunit suliarineqarsinnaanera pillugu aalajangiisinnaatitaassasoq, taamaattoq § 3 naapertorlugu maalaarutip ingerlatsineq pillugu maalaarutitut suliarineqarnissaanik periarfissaq attatiinnarneqassaluni, § 16, qitornamik annaasaqarnermut atatillugu taarsiivigineqarnissamik pisinnaatitaanermi taarsiivigineqarnissamut periarfissaqarneq, §§ 17, 18 aamma 27, naatsorsuineranut aamma taarsiissutinik akiliinermut aalajangersagaqartillugu, kiisalu § 26 eqqartuussivimmi misilinneqarnissamut piffissaliussisoqartillugu.

## **2. Siunnersuutip Inatsisartunit siullermeerneqarnera**

Siunnersuut siullermeerneqarmat tigulluarneqarpoq, inatsisillu atuutilersinneqarnerata nalaani pissutsit, naammagittaalliornermi suliap suliarineqartarnerata aqqissuussaannera kiisalu inatsisip atuutilersinneqarneratigut napparsimasunut periarfissat piginnaatitaaffiillu malitsigineqartussat pillugit oqallilluartoqarpoq.

Oqallinnermi oqaaseqatigiit “Kalaallit Nunaanni atugassarititaasut immikkut itnut eqqarsaatigalugit aammalu piginnaasaqarnermut tunngasut eqqarsaatigalugit” kiisalu “Kalaallit Nunaanni pissutsit atugassarititaasullu nassuiaatigineqarneri” immikkut ittumik sammeneqarput. Aalajangersakkap paasinerlunneqarsinnaanera ernumassutigineqarpoq, taamaalilluni Kalaallit Nunaanni pissutsit peqqutaallutik taarsiissuteqarnissaq ajornakusoorsinnaalluni. Angajoqqaat qitornamik katsorsarneqarneranut atatillugu toqusoortut taarsiivigineqarnissamik pisinnaatitaanermi periarfissaqarnissaat oqallinnermi aamma eqqartorneqarpoq. Soorluttaaq peqqinnissaqarfimmi sulianik suliarinnittarnerup ilaata Kalaallit Nunaanni ingerlanneqartarnera aalajangiinernullu tunngasut annertuut Danmarkimi aalajangerneqartarneri pillugit oqallittoqartoq.

Qulaani allasimasut tunngavigalugit immikkoortoq peqqissaartumik ataatsimiititaliamit suliarineqarnissaa innersuussutigineqarpoq.

### 3. Tusarniaanermiit akissuteqaatit

Tusarniaanermiit akissuteqaatit inatsisissatut siunnersuummut ilanngunneqarput, tamatumani Inatsisartut Siulittaasoqarfiata ilusiliinissamat piomasaaqatai naapertorneqarput. Inatsisissatut siunnersuut siusinnerusukkut iluserisamisut iluseqarluni 15. majimiit 11. juni tungaanut tusarniaassutigineqarpoq, maannakkullu iluserisamisut iluseqarluni piffissami 18. januarimiit 16. februar tungaanut tusarniaassutigineqarluni.

Tusarniaanermiit akissuteqaatit kingunerisaannik Naalakkersuisut inatsimmut allannguutissanik tamakkiisunik imaluunniit ilaannakortunik ilanngussisimanerat ataatsimiititaliap naammagisimaarlugu maluginiarppaa.

### 4. Sassartitsinerit

Kattuffiit, ingerlatseqatigiiffiit aamma peqatigiiffiit makkua ataatsimiititaliamut sassartinneqarput:

- Meeqqat pillugit oqaaseqartartoq, ulloq 12. april

Tassungaa atillugu Meeqqat pillugit oqaaseqartartup isummani oqaatigai. Meeqqat pillugit oqaaseqartartup pappilissat ilanngussai isumaliuutissiisummut ilanngussaq 1-itut ilanngunneqarput.

Innersussutit aalajangersimasut nassuiaatigineqarsimasut Naalakkersuisut qulaajaanermi aallaavigisinnaasaat, suliarinninnermi ilaatigullu meeqqat pillugit naammagittaalliuutitut suliaassani aggersuni pingaaruteqarluarsinnaasut ataatsimiititaliamit iluarisimaarneqarput.

Angajoqqaat qitornaminnik assigiinngitsutigut pinartumik aamma anigorneqarsinnaanngitsumik napparsimasootut uteqattaartumik saaffiginnissuteqartarsimanerat pillugu suliaqartartarnera, saaffiginninnerillu tamatigut peqqinnissaqarfimmiit uppersaasiornikkut suliniuteqarfigineqartarsimanngitsut, tassa qulaajaanikkut imaluunniit katsorsaanikkut, ataatsimiititaliamit immikkut maluginiarneqarpoq. Assersuutigalugu eksem pillugu angajoqqaanik oqaloqatiginnittoqartarsimannginnera aamma journalini meeqqat angajoqqaallu isumaat pillugit uppersaasatit amigaataanerat, ilaatigut angajoqqaat isumaalunnerisa annertusiartornerat, ataatsimiititaliamit immikkut maluginiarneqarput.

Meeqqat pillugit oqaaseqartartup suliat pillugit annertuumik qulaajaasimaneranut ataatsimiititaliap qutsavigaa, aamma nassuiaatit saqqummiunneqartut meeqqat pillugit naammagittaalliuutitut suliaassani aggersunut tunngatillugu imarisai pingaaruteqartutut isigalugit.

## 5. Apequteqaatit

Ataatsimiititaliap siunnersuummik suliaqarnermini atugassaminik apeqqutinik arlallinnik Naalakkersuisut akissuteqaarmissaat qinnutigai. Ataatsimiititaliamit apequteqaatit aamma Naalakkersuisuniit akissuteqaatit assilineqarneri isumaliuutissiisummi matumani ilanngussaq 2-tut ilanngunneqarput.

## 6. Inatsisitigut ilusiligaanerata misissorneraqarnera aamma ilisimatitsiffiusumik ataatsimiinneq

Ataatsimiititaliap siunnersuummik suliarinninnermini ulloq 12. april aamma 19. april Peqqinnissamut Naalakkersuisoq ilisimatitsiviusumik ataatsimeeqatigaa. Ataatsimiinnerni taakkunani saqqummiunneqartut isumaliuutissiisummi matumani ilanngussaq 3-tut ilanngunneqarput.

## 7. Siunersuineq

Ataatsimiititaliap siunnersuummik suliaqarnerminut atatillugu ulloq 17.maj 2024 Peqqissutsimut Naalakkersuisumik siunersuiuvoq. Siunersuiuinissamut aggersaassutip assiliner a isumaliuutissiisummut matumunna **ilanngussaq 4-tut** kakkiunneqarpoq.

## 8. Ataatsimiititaliap siunnersuummik suliarinninnera

Aallarniutigalugu ataatsimiititaliap inatsisissatut siunnersuummik suliarinninnerani Peqqinnissamut Naalakkersuisup pitsaasumik suleqatigisimanera pillugu qutsavigaa.

Siunissami naammagittaalliuteqarnikkut suliat amerliartornissaasa ilimagineqarnera ataatsimiititaliap oqaatigissavaa, taamaattumillu inatsisissatut siunnersuut allaffissornikkut aningaasaqarnikkullu isumalluutitigut malitseqartinneqarnissaa pingaaruteqarpoq, tamanna siunissami sulinerup annertusinissaanut qulakkeerinneqataasinnaavoq. Ineriartorneq tamanna taperserniarlugu ataatsimiititaliaq naliliivoq allatseqarfik pilersinneqartussaq pitsaasunik sulinikkut atugassaqartinneqarnissaa qulakkeerneqassasoq, sullissinerullu aallarniutaasumik piareersarneqarnerani pingaarutilimmi isumalluutinik naapertuuttunik immikkoortitsisoqassasoq.

### 8.1 Kalaallit Nunaanni pissutsit immikkut ittut

Naammagittaalliornikkut suliani pissutsit suliat suliarineqartarnerinut pingaarutillit, ilaatigut siunnersuummik siullermeerinninnermi Kalaallit Nunaanni pissutsit immikkut ittut taakkartorneqartut pillugit ernumassutaasut, qulaajarnissaat ataatsimiititaliap soqutigaa. Naalakkersuisut akissuteqaatiminni allapput siunnersuutip § 6-iani, imm. 2-mi nalunaarutigineqartoq Napparsimasut Maalaarutaannut Aqutsisoqarfiup aamma Peqqinnissaqarfimmi Napparsimasut Maalaarutaannik Aalajangiisartut sulianik ataatsimut naliliinermi ilanngussinnaasaat naammagittaalliutit suliarineranut atortussanik piareersaanermut atatillugu suliamik saqqummiussinissaq Nunatsinni Nakorsaaneqarfiup

suliarissagaa. Taamaattumik atuuffik pingaarutilik, sulianik suliarinninnermi tunngavissamik pisarialimmik qulakkeerinnittoq, aamma danskit ingerlatsisut Kalaallit Nunaanni pissutsit pillugit tamakkiisumik paasinninnissamut qulakkeerinninnissaq, Nunatsinni Nakorsaaneqarfiup isumagisaraa. Aalajangersagaq tamanna tunngavigalugu naammagittaalliuutinik tunuartitsisinnaanermut ulorianaateqannginnera Naalakkersuisut erseqqissaatigaat.

### **8.2 Qanigisaasut ajunngitsorsiassanik taarsiivigineqarnissarlu pillugit periarfissaat**

Qanigisaasut taarsiivigineqarnissamik ajunngitsorsiassanillu pissarsinissaminnut periarfissaasa misissorneqarnissaat ataatsimiititaliap aamma soqutigaa, aamma angajoqqaat katsorsaanermut atatillugu taarsiivigineqarnissamik pisinnaatitsisumik ajoqusernikkut qitornaminnik toqusoorut, ilaquuttani qanigisat allat pinnagit, ajunngitsorsiassanik pissarsinissamut periarfissaannut suna tunngaviunersoq paasissallugu soqutigaa. Akissuteqaammi allassimavoq meeqqamik annaasaqarnermi taarsiiffigineqarsinnaaneq qaqutigoortoq, pissutigalugu nammineq akiliutit sinnerlugit aningaasartuuteqartoqarsimatillugu annaasat aningaasatigut naatsorsorneqarsinnaassammata, §15, imm. 2 naapertorlugu, taamaattumillu peqqinnissakkut sullissisup kukkuneratigut ajoquserneq pisimappat ajunngitsorsiassatigut minnerpaamik akiliuteqarnissaq qulakkeerneqarsinnaassasoq.

Taarsiivigineqarnissamik piginnaatitsisumik ajoqusernikkut inuit allat annaanerini (meeqqat pinnagit) qanigisaasut toqusimasoq sinnerlugu naammagittaalliornissamut periarfissaqarnerat, taamaaliornikkullu toqusup pigisaanut taarsiivigineqarneq anguneqarsinnaasoq, Naalakkersuisup erseqqissaatigaa. Tamannattaq tunngavigalugu ajunngitsorsiassat annertussusaat iluarsineqarnissaannut Naalakkersuisut piginnaatinneqarput, taamaaliornermi aningaasat pisariaqartitanut matussuserniarneqartunut naapertuuttunngortikkumallugit.

### **8.3 Napparsimasut ajoquserstillugit taarsiiviginnittarneq**

§ 10-mi imm. 4-rami pisinnaatitsineq pillugu itisiliisoqarnissaa ataatsimiititaliap noqqaassutigaa. Aalajangersakkami eqaatsumik sulisoqarnissaa qulakkeerneqartoq, pissutigalugu suliaqarfik iluarsiiiffigineqarusuttoq siammasimmat aammalu katsorsaanikkut pissutsit ajoqusernerillu assigiinngiiaarpasuit pineqarmata.

### **8.4 Inatsisissatut siunnersuutip peqqinnissaqarfimmi sullissinerup pitsaassusaanut kingunerisinnaasai pitsaasut**

Naalakkersuisut akissuteqaatiminni allappaat inatsisissatut siunnersuummi § 3-mi, § 5-imi aamma § 7-imi peqqinnissaqarfiup taassumalu aqutsisuisa peqqinnissaqarfimmi sullissisarnerup pitsaassusaata qaffassarnissaanut periarfissiinissaq qulakkeerneqartoq. Siullertut inummut sammisitatut naammagittaalliuutit ingerlatsinermut naammagittaalliuutit suliarineqartartussanngorlugit allanngortinneqassapput, taamaaliornikkullu peqqinnissaqarfimmi aqutsisut pissutsit pitsanngorsarnissaannut pitsaanerumik

periarfissalissallutik, pissutigalugu naammagittaalliuutit sullissinermi sutigut pitsanngorsaaniissamut ersersitsilluassammata. Aappaattut naammagittaalliuutit pingasuusut tamarmik Nunatta Nakorsaaneqarfianit nakkutilliisussaataasumit tiguneqartassapput, taamaalilluni nakorsaaneqarfik sumi immikkut nakkutilliisoqarnissaa pillugu annertunerusumik ilisimasaqalissaaq. Pingajuattut inatsisitigut aalajangersakkamik oqaloqatigiinnikkut ataatsimiittarnerup atuutlernissaanut periarfissaqalissaaq, oqaloqatigiinnermi napparsimasut illersuisutik ilagisinnaavaat, illersuisut suliani aalajangersimasuni napparsimasullu naapinnerini peqqinnissaqarfiup suliffittut imminut qiviarnissamut arlaqarnerusunik periarfissisavaat. Aammattaaq allaqqavoq illersuisoqarnikkut aaqqiissummik pisortatigoortumik pilersitsinissaq pillugu Naalakkersuisut pilersaaruteqanngitsut, taamaattorli tamassuma pisariaqartinneqarnera ingerlaavartumik nalilersorneqartarumaartoq.

### **8.5 Naammagittaalliornissamut periarfissaqarneq pillugu paasissutissiisussaataaneq kiisalu paasititsiniaaneq**

Siunnersuummi § 14, imm. 2 naapertorlugu Naalakkersuisut paasissutissiisussaataaneq pillugu malittarisassanik erseqqinnerusunik aalajangersaanissamut piginnaatinneqarput. Pisariaqartinneqassappat paasissutissiisussaataanerup annertusinissaanut erseqqissarnissaanullu periarfissat aalajangersakkami qulakkeerneqarput. Tamatumani assersuutigalugu pappilissanik tunniussisussaataanermi. Napparsimasut pisinnaatitaaffimmik ilisimanissaannut periarfissaqarnerat pillugu isumalluutit piffissamillu atuinerup oqimaatigiissarnissaat aalajangersakkami qulakkeerneqarput. Nalilerneqarpat peqqissaasut imaluunniit nakorsat piffissat suliassanut allanut atornissaa pitsaanerusoq taamaalilluni paasissutissiisussaataaneq allanut ingerlateqqinneqarsinnaavoq. Nalunaarusiornikkut inatsisip atuutilersinneqarnissaa sioqqullugu paasititsiniaasoqarnissaa Naalakkersuisut ilisimatitsissutigaat.

### **8.6 Suliap sularineqarneranut piffissaq atorneqartartoq aamma ilitsersuinerit**

Suliamik sularinnittarnermi piffissamik atuneq sullissinermit naammagittaalliuutinut atorneqartassaaq, § 9, naammagittaalliuutip tiguneqarneraniit naatsorsorlugu qaammatinut pingasunut aalajangersarneqarpoq. Naammagittaalliornissamut ilitsersuut Sullissivimmi takuneqarsinnaavoq. Ataatsimiititaliamit naatsorsuutigineqarpoq naammagittaalliuutinut pingasuusunut tamanut naammagittaalliornissamut ilitsersuuteqarnissaa.

### **8.7 Suliap sularineqarnissaanut peqataasinnaaneq**

Sulianik sularinnittarnermi peqataasinnaanerup qulakkeerneqartarnissaata pingaaruteqarnera Naalakkersuisut akissuteqaatiminni oqaatigaat. Naammagittaalliuutinik sularinnittarneq aalajangiisarnerlu Danmarkimi ingerlanneqartarmata napparsimasut inatsisitigut illersugaaneri qulakkeerneqarsimasut Naalakkersuisut naliliipput, taamaattumik soqutigisaqarfiit qaleriiaannaviannngillat. Aammattaaq § 9 naapertorlugu sullissinikkut

naammagittaalliummik tigusaqartoqartillugu naammagittaalliuutip katsorsaaneq pillugu naammagittaalliuutitut imaluunniit taarsiivigineqarnissamik naammagittaalliuutitut allanngortinneqassanersoq naliliivigissallugu Nunatta Nakorsaaneqarfia periarfissaqalissaaq.

### **8.8 Peqqinnissakkut namminersortutut ingerlatallit**

Napparsimasut peqqinnissakkut namminersortutut ingerlatallinnit katsorsarneqartartut (uani peqqinnissakkut suliaqarneq peqqinnissakkut ilinniarsimasumit ingerlanneqartoq pineqarpat, § 2, imm. 2 aamma 3 naapertorlugit), naammagittaalliornissamut aamma taarsiivigineqarnissamut pisinnaatitaassapput. Namminersortutut ingerlatallit amerlasuut peqqissaanermut peqqissartornermullu anguniagaqartuusarmata sullissineq ingerlanneqartoq aalajangersimasooq naliliiviginera tunngavigalugu aalajangersaasoqartassaaq. Kapitali tamanna pillugu § 24-imi taarsiivigininneq sillimmasiisarfikku sillimmaeqarnermit matussuserneqarnissaanut Naalakkersuisut malittarisassiornissaminnut pisinnaatinneqarput. Tamatumani isumaqarpoq oqartussaasut tamarmik taarsiiviginnittussaataasut sillimmasiinikkut isumaqatigiissummik peqarnissaannik Naalakkersuisut malittarisassiorsinnaasut. Inatsisissatut siunnersuummi matumani sillimmasiisussaataasooqanngilaq, pissutigalugu maannarpiaq suliaasaqarfiit inuilluunniit taamaattut siunnersuummi pineqartut pillugit sillimasiinissamut isumaqatigiissusiorsinnaanissaat qulakkeerneqarsinnaanngimmat.

### **8.9 Meeqqat pillugit oqaaseqartartumit innersuussutit**

Meeqqat pillugit oqaaseqartartup meeqqat pillugit naammagittaalliorsinnaanermut aamma taarsiivigineqarsinnaanermut innersuussutai ataatsimiititaliap pingaaruteqarluinnartut isumaqarfigai, aamma Meeqqat isumaqatigiissutaanni allaaserisaq immikkoortoaq 24, meeqqat peqqinnissaqarnikkut ikiuutunik arlalinnik pisinnaatitaaffeqarnerisa naapertorneqarnissaa aamma peqqinnissaqarfiup meeqqanik meeqqallu angajoqqaavinik ulluinnarni sullissinerani sammivinnik tikkuussinera ataatsimiititaliap tapersorsorpa.

### **9. Siunnersuutip aningaasatigut kingunerisassai**

Siunnersuutip piviusunngortinneqarnerani aningaasatigut kingunerisassai siunnersuummut nalinginnaasumik oqaasertaliussani allaaserineqarput.

Tassani allaqqavoq naammagittaalliortarnermut allattoqarfimmik pilersitsisoqassappat pilersitsinermi aningaasartuutit 600.000 kr.-iunissaat naatsorsuutigineqartoq.

Naammagittaalliornikkut suliat pillugit ukiumut 7 mio. kr.-inik aningaasartuuteqartarnissaaq naatsorsuutigineqarpoq, taakkualu 2024-imut Aningaasanut inatsimmut ukiunullu missingersuusiorfiusunut ilanngunneqarput. Allaffissornikkut sulianillu suliarinninnermut aningaasartuutaasussat ilanngunneqanngillat.

Siunnersuummi § 23 naapertorlugu peqqinnissaqarfimmi pisortanit ingerlanneqartumi katsorsarneqarnerup kingorna ajoqusernermi aamma pisortat oqartussaaffiini allani katsorsarneqarnerup kingorna ajoqusernermi, Naalackersuisut akisussaaffeqarfiisa ataanniittuni taarsiiviginninnermut aningaasartuutit Naalackersuisut akilertassavaat. Kommunit suliffeqarfiutaanni katsorsarneqarnerup kingorna ajoqusernermi taarsiiviginninnermut aningaasartuutit kommunit akilertassavaat.

Meeqqat toqukkut qimagussimasut angajoqqaavinut ajunngitsorsiassanut aningaasartuutaasussat annertunissaat ilimagineqanngilaq. Soorunami aningaasartuutaasussaq siumut qulakkeereerneqarsinnaanngilaq, ukiumulli pisoq ataaseq sinnerlugu pisoqartarnissaa naatsorsuutigineqanngilaq.

Inuussutissarsiortunut tunngatillugu suliassanik suliarinninnermut peqataaneq taarsiiviginninnerusinnaasunullu aningaasartuuteqarneq eqqarsaatigalugit allaffissornerulernermik aningaasartuuteqarnerulernermillu siunnersuut kinguneqarsinnaavoq. Suliffeqarfiit namminersortut taarsiiviginninnissamat matussusiiinnaasunik sillimmasernissamat **pisussaaffilerneqanngillat**, Naalackersuisulli tamanna pillugu malittarisassiornissamat piginnaatinneqarlutik.

## 10. Ataatsimiititaliap inassuteqaatai

- Naalackersuisut aappassaaneerinninnissamat allannguutissatut siunnersuummik ulloq 24. september tiguneqartumik saqqummiussimmata ataatsimiititaliamit oqaatigineqassaaq. Inatsisissatut siunnersuutip kalaallisoortaata danskisuuatalu imminnut naapertuunnerat allannguutissatut siunnersuutikkut qulakkeerneqarpoq. Taamaattumillu ataatsimiititaliami amerlanerussuteqartut Inuit Ataqtigiiinneersut, Siumumeersut Demokraatineersullu siunnersuut aammalu allannguutissatut siunnersuut akuerineqassasut inassutigaat.

## 11. Ataatsimiititaliap Naalackersuisunut kaammattuttai

- Meeqqat Illersuisuinit kaammattuutit inatsit piviusunngortinniarlugu suliap nangingneqarnerani ilanngunneqarnissaannik Naalackersuisut ataatsimiititaliamit sakkortuunerpaamik kaammattorneqarput
- Innuttaasunut napparsimasunullu taarsiissutissat annertussusissaannik aalajangersaasarneq pillugu maleruagassat periutsillu aammalu minnerunngitsumik ingerlatsinerit sorliit danskit oqartussaaffiisa ataanniinnerisa erseqqissaatigineqarnissaannik aammalu naammagittaalliuteqarnissamat sukumiisumik ilitsersuuteqarnissamik Naalackersuisut ataatsimiititaliamit kaammattorneqarput



Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.

---

Mala Høy Kúko  
Siulittaasoq

---

Anna Wangenheim  
Siulittaasup tullia

---

Doris J. Jensen

---

Dines Mikaelen

---

Mikivuk Thomassen

---

Edvard Nielsen Aronsen

---

Hans Enoksen